

06 歇暍日

蔡瀚儀¹

歇暍日阿爸定會恁阮四界去迤迤，這擺阮欲去看水筆仔。水筆仔生長佇淡水河的出海口，這是一種真特別的樹仔。阮小弟阿明上歡喜，因為個自然課挂咧教水筆仔的生態，伊足想欲去看到底水筆仔是按怎咧發潁生淡？雖然捌聽人講過，毋過嘛是猶猶無摠頭，不如親身去看較實在。

阮規家坐捷運去到紅樹林站，來參觀生態館的人誠濟。先看水筆仔生態的影片，予逐家對水筆仔有基本的認捌，導覽才閣恁阮去生態保護園區參觀。哇！看過去規片攏是水筆仔，有一條柴枋釘的步道，彎彎幹幹順河邊行過去，沿路雙片的水筆仔發甲誠茂。樹仔頂一枝一枝親像毛筆的水筆仔困生誠濟，有的落落來挂好插咧爛塗裡，就生根發葉佇遐大權，若落佇水面的就綴流水流出去。

流水逐工會來去，佇水面的水筆仔困就會綴個四界去，覓去河岸邊，覓到溪仔乾。佇遐咧歇暍的時，毛蟹看著講：「蹠咧啦！遮有誠濟朋友佢你做伴，你才袂孤單。」水筆仔困誠歡喜就佇遐蹠，就按呢一代一代生淡落去，無佬久就成做一片紅樹林。洩流的時，大管仙、海和尚、海蛇蚩攏出來賴賴趁。兩尾花鮎咧相偃，共尻脊餅的旗仔禡甲若親像船帆，樹林跋鬧熱滾滾。上趣味的就是兩隻擇白

扇仔咧相戰，共大管跋擇懸咧相嚇驚，有夠風神。導覽講，拍輪的有時陣會共大管跋擲咧做伊旋。伊閣問講：「減一肢管無武器，後擺欲按怎佢人相戰？」小弟隨擇手應講：「伊會閣發一肢仝款的大管跋。」導覽賞伊一張擇白扇仔的貼紙，逐家閣共拍嘆仔呵咾。

白鴿驚俗海鳥佇海埔仔咧討食；毛蟹佇空漬出漬入真無閒，跋手真猛掠。阿爸講：「跋手若慢鈍連鞭就予海鳥捅去！」

阿母講：「歇暍日來紅樹林看毛蟹挖塗空、看花鮎佢石貼仔有啥仝款？加捌一寡常識才袂讀死冊。」欲暗仔海邊全紅霞，一陣一陣的海風吹來，有一種魚仔的臭臊味。阮坐佇捷運頂懸，窗仔外的水筆仔咧共阮攢手，若咧叫阮有閒才閣來迤迤。

¹ 蔡瀚儀 (Tshuà Hān-gí)